

- SS. Sacramentum. Vide num. 353. De privata vero habes exemplum num. 895.
- 323 Reliquæ Sanctorum existentes sub custodia Capituli, in processibus deferendæ sunt per Canonicum facientem hebdomadam, in casu vero, quo requirantur quatuor unitim, deferendæ sunt à Canonico non paratis. Sac. Rit. Congr. 22. Martii 1653. in *Lucana Camajoris*.
- 324 Quando aliqua ecclesia Secularis, vel Regularis ob aliquod impedimentum est substituta pro cathedrali, & Episcopus interest cum cappa in concionibus, tenentur Canonici cathedralis assistere cum habitu canonicali: S. R. C. 22. Martii 1653. in *Callicen*.
- 325 Ad Canonicum hebdomadariam in matutinis & vespers spectat primam antiphonam intonare, initia hymnorum cum Benedicimus, & Magnificat: Capellani vero tenentur eidem facere præintonationem, dum est paratus: S. R. C. 5. Jul. 1653. in *Lucana*. (Primum antiphonam) etiam in Laudibus: Cærem. Episcop. lib. 2. cap. 6. num. 16. (Capellani tenentur) quo tita & tempore. Vide num. 61.
- 326 Missa de Dominica, seu de festo duplici, si illa die occurrat, debet dici, cum commemoratione SS. Sacramenti, ad formam rubricarum missalis, quando fit particularis processio cum SS. Sacramento, in aliquibus Dominicis, seu aliis diebus cujuslibet mensis: S. R. C. 6. Decemb. 1653. in *Panen*. (ad formam Rubricarum Missalis), scilicet post omnes alias ordinarias collectas de præcepto iis diebus occurrentes, sed sub unica conclusione: Vide num. 1009.
- 327 Stante alteratione in terra Montecchii diocesis Burgi S. Sepulchri super delatione simulacri S. Antonii de Padua in processione, respectu habitus Capuccinorum, cum quo efficienda est? S. R. C. ad quam negotium deducum est, respondit: Habitum hujusmodi non esse vetitum in casu, de quo agitur, & ideo arbitrio Episcopi: Ead. S. R. C. 18. Julii 1654. in *Ordinis Capuccinorum Montecchii provincia Marchie*, & 17. Junii 1673. in *Benevent*. Habetur in Archivio Ord. Arm. cum subscriptione Francisci Mariae Phabei S. R. C. Secretarii. Vide num. 468.
- 328 Missæ exequiales defunctorum in die depositionis defuncti possunt solemniter celebrari diebus, in quibus cadit festum duplex alicujus Sancti, dummodo festum non sit de præcepto, juxta Rubricas Brev. Rom. Sac. Rit. Cong. 19. Sept. 1654. in *Papien*. Loquitur, corpore non presente in ecclesia, pro quo unica missa sollemnis conceditur in festo duplici etiam majori, nisi sit de præcepto. Vide num. 75. & 600.
- 329 Absolutio sollemnis cum assistentia quatuor Dignitatum, vel Canoniorum ultra celebrantem in anniversario alicujus Episcopi, non debet fieri, quia obstant Rubricæ Pontificalis Romani: Sac. Rit. Congr. 14. Novemb. 1613. in *Recinaten*. (Obstant Rubricæ Pontificalis Romani): Statuitur enim hæc absolutio fieri tantum in primis exequiis, quæ fieri solent post obitum alicujus Summi Pontificis, S. R. E. Cardinalis, Metropolitanis, aut Episcopi proprii, seu Imperatoris, Regis, vel Ducis Magni, aut Domini loci, nunquam vero in anniversariis Pont. Rom. part. 3. cap. de Officio solenni post missam pro def. & Cærem. Episcopor. lib. 2. cap. 12.
- 330 Antiphona in choro cathedralis postquam primo loco data fuerit celebranti à cornu epistolæ, danda est secundo loco primæ Dignitati, sive à cornu evangelii, sive à cornu epistolæ existenti, & sive interveniat, sive non prima Dignitas, quæ sedet à dicta parte evangelii, non obstante allegata consuetudine: S. R. C. 21. Martii 1665. in *Senogaliten*. (Antiphona) quo ritu præintonanda? Vide num. 61.
- 331 Assistentia Episcopo in missis pontificalibus, ministratio aspersorii Episcopo in ingressa ad ecclesiam, cantare missam in diebus solemnioribus, necnon peragere sollemnia missarum, & delatio SS. Sacramenti, absente Episcopo, in solemnitate Corporis Christi spectant ad primam Dignitatem, & successive ad alias Dignitates, vel ad seniores Canonicum, non autem

- ad Vicarium Generalem: S. R. C. 29. Maji 1653. in *Puñen*. Vide num. 101.
- Ubi adest sollemnitas SS. Sacramenti, competit ei præcedentia super alias confraternitates in omnibus processibus in quibus defertur SS. Sacramentum: S. R. C. 19. Jun. 1655. in *Mediolanen*. 20. Sept. 1687. in *Vercellen*. & antea 22. Julii 1628. in *Lauden*.
- 332 Archiepiscopo uti Archiepiscopo, majoritate gradus, competit præcedentia supra Episcopum presentem in civitate metropolitana & diocesi: S. R. C. 29. Januar. 1656. in *Pragen*. (Præcedentia supra Episcopum) Loquitur de proprio Archiepiscopo: Presentem venim, seu adveniente suo Metropolitanum, cessabit Episcopus à benedictionibus privatis. Cærem. Episc. lib. 1. cap. 4. num. 4. Vide num. 100.
- 333 Archiepiscopi & Episcopi Titulares existentes in aliena diocesi debent præferri Archiepiscopi consecratione junioribus, necnon aliis episcopali posterioribus; extra tamen ecclesiæ ambitum, intra quam Ordinarii privative quoties Archiepiscopi & Episcopi etiam seniores, præcedentia competit: S. R. C. 8. April. 1656. in *Ephesina*. Vide num. ant. 343.
- 334 Capellanus curatus, ratione stolæ, in funebribus debet præcedentiam habere super alios quoscumque Sacerdotes curatos simplici cotta indutos: S. R. C. 10. Junii 1656. in *Maaceraten*.
- 335 Missa sollemnis de Annuntiatione B. M. V. non potest celebrari, quando ejus festum incidit in Dominica Palmarum: S. R. C. 10. Marti. 1657. (in *Placentina*) Etiam in ipsamet ecclesia, seu ubi concursus populi ad celebrandum accedit, licet cantata missa de die: quod decretum se extendit etiam ad totam majorem hebdomadam, & triduum Paschatis: Rubr. Miss. de transl. fest. III. 6. Vide num. 1233. Hoc idem extenditur ad totam Hebdomadam, in qua nequit solemniter decantari missa de titulo ecclesiæ occurrente, ex rubr. III. 6. de transl. festorum.
- 336 Baldachinum in ecclesiis, & locus in presbyterio non debetur Domino loci, & admonetur Ordinarii, ne permittant hujusmodi usurpationem, & non licitam detentionem: S. R. C. 9. Junii 1657. in *Polinianen*. Vide num. 560.
- 337 Potest Archiepiscopus Granatensis, ex immemorabili consuetudine, in processibus solemnibus post se deferre sellam gestatorium median inter se, & Præsidentem, ac Regium Magistratum: S. R. C. 10. Maji 1608. & etiam in processione SS. Sacramenti: S. R. C. 15. Septembris 1657. in *Granatensi*.
- 338 Jus deferendi SS. Sacramentum & reliquias in processionibus spectat ad hebdomadariam missarum sollemnium peragendarum post processionem, vel ad illum, qui immediate ante processionem eadem peregerit, privative quoad reliquos, etiam Dignitates, & seniores Canonicos, tam absente, quam nolente Episcopo prædicta munia subire: S. R. C. 26. Jan. 1658. in *Cajetana*. Circa SS. Sacramentum, quid statuatur in die solemnitatis Corporis Christi: Vide n. 8.
- 339 Prima dignitas officium Presbyteri assistentis, Episcopo divina pontificaliter peragente, faciens, tenetur sustentare librum, quando solum Episcopus cantat, non vero quando legit, quod spectat ad Capellanum: S. R. C. 16. Martii 1658. in *Ragusina*. (Tenetur sustentare librum) habens à sinistris Episcopi ministrum de libro, stantem & adjuvantem in sustentatione libri ipsum assistentem: Cærem. Episcopor. lib. 1. cap. 11. num. 3. (Quando solum Episcopus cantat:) Excipie hymnum, antiphonam primam, absolutiones, benedictiones, & nonam lectionem matutini, & Te Deum laudamus: Cærem. Episcop. lib. 2. cap. 5. num. 6. & 9. Vide num. 934.
- 340 Diaconi assistentes non tenentur, immo non debent inseruire Episcopo de bugia, seu candelâ, sed ea administranda est per Capellanum, nec possunt cogi Canonici ad inseriendum Episcopo in missa privatis, præter consuetudinem, Etiam dicti Canonici non induantur canonicalibus vestimentis, non tenentur ad præstandam Episcopo assistentiam; immo est contra ritum præ-

- 341 præstare: S. R. C. 16. Martii 1628. in *Ragusina*. Vide num. 22.
- 342 Primicerii à chori assistentia & directione non sunt amovendi, sed ad Canonicos immediate digniores spectant post præfatos Primicerios vesperarum & missarum sollemnia, ut unusquisque proprio muneri incumbat: S. R. C. 8. Jun. 1658. in *Metropolitana*. Vide n. 24.
- 343 Missa votiva de B. M. V. cum Gloria & Credo, sed sine officio, potest celebrari in aliqua die ob publicam causam, & ratione concursus: S. R. C. 8. Junii 1658. in *Claramontana*. (In aliqua die,) videlicet exceptis iis, de quibus num. 264.
- 344 Archiepiscopus, & illius Suffraganei, cum simul in Metropolitana divinis interfuturi conveniunt, & genueflexi preces effundunt ante altare SS. Sacramenti, & aram maximam, idem Archiepiscopus debet genuflectere, & incidere digniore quidem loco, sed in linea cum Suffraganeis; Archiepiscopus scilicet super faldistorio, & Suffraganei super pulvinariis hinc inde; & si loco faldistorii Archiepiscopus adhibeat genuflexorium commune, poterunt Suffraganei, si idem capax fuerit, super eodem hinc inde pariter genuflectere: S. R. C. 8. Jun. 1658. in *Senen*. Vide n. 333.
- 345 Missæ votivæ de Titulari & Patrono non possunt dici cum Gloria, & Credo, sed Ordinarii præcipitur ne quid contra, vel præter rubricarum præscriptionem sub penis in constitutionibus pontificis contentis servari permittant; sed tantummodo die Tituli cujuslibet ecclesiæ, & oratorii de Sancto Titulari missa cum Gloria, & Credo celebratur: S. R. C. 4. Aug. 1658. in *Tarvisina*. (sed tantummodo die Tituli) & per octavam, cum de ea officium sit peragendum: Rubr. Miss. II. de Simbolo. Vide etiam num. 41.
- 346 Archiepiscopo, seu Dignitati, vel Canonico, qui alteri Archiepiscopu, dignitatem, seu canonicatum resignavit, non competit præcedentia super alios Sacerdotes seniores, quia nulla qualitas Archiepiscopu, Dignitatis, seu Canonici ei remanet post renuntiationem: Sac. Rit. Congreg. 7. Septembris 1658. in *Bisacien*.
- 347 Missæ currentes in honorem alicujus Beati non Canonizati, non possunt celebrari sine speciali indulto Sedis Apostolicæ: S. R. C. 8. Septembris 1658. in *Foretempnontensi*. (Missæ currentes) & fortius votivæ: Vide num. 378. seq.
- 348 In novem diebus ante Nativitatem Domini, ubi adest antiquissima consuetudo, vel concursus, potest decantari unica missa votiva sollemnis B. M. V. quamvis in ipsis occurrat festum D. Thomæ Apostoli, & Dominica tertia, vel quarta Adventus, non omissa tamen Conventuali, statuta hora decantanda: Sac. Ritum Congreg. 28. Septembris 1648. in *Anagnen*. (Votiva sollemnis), id est, cum Gloria, & Credo, sine commemoratione festi, vel Dominicæ occurrentis, & cum Præfatione Beatæ Mariæ, & Evangelio S. Joannis in fine. Excipie diem Expectationis, ubi ex indulto celebratur, in qua non votiva missa, sed occurrentis erit cantanda cum commemorationibus festi, & festi, & evangelio, & si forte occurrat, quia cum officio concordat: Vide num. 1012. & 1260.
- 349 Festum Sanctorum Patronorum principalem civitatis à Clero seculari civitatismet celebrandum est cum octava, à Regularibus vero sine octava: in diocesi, autem, ubi non adest proprius loci patronus, similiter cum octava, at ubi colitur festum peculiaris patroni, nihil de patrono civitatis, vel attentæ consuetudine, sub duplici majori tantum sine octava: S. R. C. 28. Septembris 1658. in *Calagurritana*. (Cum octava) sub ritu duplici primæ classis, tam apud Seculares, quam Regulares civitatis, & suburbiorum. Vide num. 283.
- 350 Primæ Dignitatis post Pontificalem solemniter celebranti in solemnioribus festivitatibus debetur assistentia duorum Canoniorum pro Diacono, & Subdiacono, quamvis præbende non sint distinctæ: S. R. C. 7. Decembris 1658. in *Brundusina*, & *Conversana*. (Debetur assistentia) Presbyteri etiam pluviali induti, ubi adest consuetudo. Vide n. 4.

- 351 Missæ privatae de defunctis quocumque die dici possunt, præterquam in festis duplicibus, & dominicis diebus, juxta præscriptum Rubricarum: S. R. C. 15. Februar. 1659. in *Faventina*; & 28. Febr. 1660. in *Januen*. Item in feriis, diebusque, quibus prohibetur fieri de festo duplici, etiam corpore presente in ecclesia. Vide num. 75. Notandum vero, hoc decretum editum fuisse pro missa sollemni celebranda in ecclesia, non presente cadavere.
- 352 Anterioritas suscepti ordinis presbyteratus inter Sacerdotes simplices, non gaudentes præbenda, inspicenda est, nulla habita ratione inter eos prioritatis in ordine Subdiaconatus, vel Diaconatus: S. R. C. 29. Martii 1659. (in *Trientina*) Quid statuatur in Præbendatos. Vide num. 54.
- 353 Protonotarius simplex Sacerdos è numero non participantium in processibus, ceterisque ecclesiasticis functionibus, debet servare ceremoniale Episcoporum; ideoque præcedere debet omnes simplices Sacerdotes sacris vestibus non amictos: S. R. C. 24. Maji 1659. in *Aversana*. (Debet servare Ceremoniale) id est, neque inter cathedrales Canonicos: lib. 1. c. 13. n. 10. & 13. Ubi vero Capitulum non existit, vel inter Canonicos collegialiter non incedentes, necnon & in processionibus, quid servandum, require num. 135. 170. & 354.
- 354 Non licet in ecclesiis, in quibus non asservatur SS. Sacramentum, celebratio missæ in feria quinta in Cœna Domini, nec ejusdem Augustissimi Sacramenti asservatio in sepulchro: S. R. C. 14. Junii 1659. in *Neapolitana*. Vide num. 321.
- 355 Protonotarius simplex incedens in habitu Protonotarii debet sedere in choro post Canonicos, & ubi Capitulum non existit, immediate debet sedere post Rectorem ecclesiæ, vel alias facientem officium. In processibus vero pariter eodem loco, vel nisi adsit Magistratus, potest etiam uti Prælatu incedere post Baldachinam, sub quo defertur SS. Sacramentum: S. R. C. 2. August. 1659. in *Sarzanen*. Quid statuatur de Protonotariis participantibus, & magni principis consanguineis: Vide num. 136. 170. & 221.
- 356 Prælati Episcopi inferiores, qui Pontificalium usu fruuntur, super altari, in quo sacra erunt facturi, septimum nequaquam debent apponere candelabrum; Sac. Rit. Congreg. 27. Septembris 1659. in decreto generali, coram Alexandro VII. emanato. Vide num. 65.
- 357 Prælati Episcopi inferiores cathedram, seu sedem fixam, & permanentem in eorum ecclesiis non debent detinere, sed tribus ipsis diebus, quibus ex antiquis decretis tantummodo pontificaliter celebrare est eis permittum, movibili sede, seu cathedra uti debent, quam nihilominus simplici serico panno coloris festivitatis congruentis obducere possunt, non auro contexto, aut phrygio, sive basilico opere exornato: S. R. C. 27. Septembris 1659. in decreto generali, coram Alexandro VII. Qui sint isti dies. Vide num. 359. Pro Abbatis vero Cassinen. Vide num. 400. seq.
- 358 Prælati Episcopi inferiores baldachinum adhibere supra sedem possunt, non autem pretiosum, aut aureum, sed simplex, & eo, quod altari superimponitur, materia & opere sit inferius, & ad ipsum per duos tantum gradus in superficie presbyterii stratos ascendatur: S. R. C. 27. Septembris 1659. in decreto generali, coram Alexandro VII. (Non autem pretiosum, aut aureum) quod non nisi Episcopo Cardinali competit, Cærem. Episcop. lib. 1. cap. 13. num. 3.
- 359 Prælati Episcopi inferiores abacum alium præter parvam mensam, & in cornu Epistolæ parare non possunt, in quo duo candelabra cum candelis, necnon mitra, calix, missale, thuribulum, navicula, & reliqua ad celebrandum necessaria collocentur; prope vero mensam eandem pariete hærens baculus pastoralis aperitur: S. R. C. 27. Septembris 1659. in decreto generali, coram Alexand. VII. (Mitra, nūquam pretiosa.) Baculus cum velo albo apprensus. Vide num. 362.
- 360 Dies, in quibus solemniter Prælatu inferioribus celebrari conceditur, sint de præcepto festivi, vel alii, in quibus ipsos pontificaliter celebrare festivitatis ratio

361 exigat, nempe *patroni loci, fundatoris ordinis, tituli, & dedicationis ecclesie*; abstinere autem debent ab hujusmodi pontificalium usu in officis & missis defunctorum, quocumque die etiam festivo, & de præcepto S. R. C. 27. Septembr. 1659. in decreto generali coram Alexand. VII. Abbates Cassinenses Congregationis Cavensis, in quibus missis defunctorum pontificalibus possint uti, consule num. 401.

362 Prælati Episcopis inferiores, ac ecclesiam ascendentes, licet pontificaliter divina peracturi, & iisdem absoluti, ab altari recessuri, à suis Canonicis, vel Monachis (ut mos est Episcoporum) non possunt associari: S. R. C. 27. Septembr. 1659. in decreto generali coram Alexand. VII. Abbates Cassinenses an possint. Vide num. 140. & 402.

363 Prælati inferioribus præter duos sacrificii Ministros, Diaconum nempe evangelii, & Subdiaconum epistolæ, duo alii tantum Diaconi cum dalmaticis, & unicus presbyter cum pluviali assistere debent. Duo insuper Capellani, qui de mitra, & baculo, & totidem Acolythi pro candelabris debent inservire. Præterea sex alii Canonici, vel Monachi, duo scilicet pluviali, duo planetis, totidemque tunicellis induti, divinis hujusmodi interesse valeant, qui tamen non in sedibus, seu stallis choralibus, sed in scamnis, absque postergalibus panno viridi laneo coopertis, situ congruo accommodatis, moxque illinc removendis, consedere debent: S. R. C. 27. Septembr. 1659. in decreto generali coram Alexand. VII. (Viridi panno), seu potius coloris paramentorum. Vide num. 1265. Pro Cassinensibus. Abbatibus. Vide num. 403.

364 Prælati Episcopis inferiores mitram pretiosam, nisi illis expresse à S. Sede indultam, adhibere minime possunt: sub mitra pileolum nigrum tantum coloris inducant: baculum pastorale albo velo appenso deferre debent: ab isque, & aliis Pontificalibus etiam de Ordinariorum licentia extra ecclesias sibi subjectas prorsus abstinere debent; & neque in processionibus, quæ ab eorum ecclesiis per vias extra ambitum, vel parochiam ducuntur, insignis prædictis uti, vel penes se præferri faciant: S. R. C. 27. Septembr. 1659. in decreto generali coram Alexand. VII. Vide n. 404.

365 Prælati Regulares rochetum deferre non valent, nisi ex tali ordine fuerint, cui indumentum hujusmodi competat: S. R. C. 27. Septembr. 1659. in decreto generali coram Alexand. VII.

366 Prælati Episcopis inferiores invitati ad ecclesiam exemptam, nec in illa pontificalibus uti valent, nec si, qui non fuerint Abbates perpetui, vel benedicti, in propriis ecclesiis uti possunt privilegio perpetui Abbatibus, vel aliis benedictis indulto: S. R. C. 27. Septembr. 1659. in decreto generali coram Alexand. VII. (Invitati ad Ecclesiam), intellige etiam Episcopo annuente. Vide num. 362. 373. & 1069. Neque si qui non fuerint... (benedicti) nisi Episcopo ter advocato, sicut convenit, Abbates renuerit benedicere, quia tunc liceret eisdem Abbatibus proprios Monachos benedicere, & alia, quæ ad officium hujusmodi pertinent, exercere, donec ipsi Episcopi suam duritiam recogitent, & Abbates benedicere non recusent: Decret. Gregor. IX. tit. de supplenda negligentia Prælatorum.

367 Prælati Episcopis inferiores, sacras vestes ex altari sumere non possunt, nisi pontificaliter divinis vacaturi: S. R. C. 27. Septembr. 1659. in decreto generali coram Alexand. VII.

368 Indulgentias impertiri, vel publicare non debent Prælati inferiores absque expresso S. Sedis indulto: S. R. C. 27. Septembr. 1659. in decreto generali coram Alexand. VII. (Sanctæ Sedis indulto) gaudent Abbates SS. Salvatoris Venetiarum, dummodo aliquis Aristes præsens non fuerit, publicandi Indulgentias per Episcopos, videlicet quadraginta dierum. Diploma Alexand. Papæ VI in Bullario Canonorum Regularium N. XLVI. 8. Maji 1493. quod incipit. Alexander: Julius autem Papa III. die 1. Nov. 1551. ad universam Congregationem extendit in constitutione: *Julius Episcopus, cap. Statuimus* adhuc in sua praxi perseverante.

Prælati Episcopis inferiores pontificalis benedictiones cum trina crucis productione in missis tantum pontificalibus, necnon in vesperis, & matutinis pontificaliter itidem celebratis possunt impertiri: privatim enim populis, quamvis pleno jure subjectis, nisi expresse ipsis permissum fuerit, etiam pontificalibus induti per ecclesias incedentes, impertiri benedictionem præsumere non debent: S. R. C. 27. Septembr. 1659. in decreto generali coram Alexand. VII. Vide num. sequenti. & 190. (Nisi expresse ipsis permissum fuerit.) An valeat privilegium in præsentia Episcopi, consule num. seq. & 190.

369 Præsentia Episcopo sine speciali Sedis Apostolicæ permissu Prælati Episcopo inferiores, etiam pontificaliter celebrantes à benedictionibus cessare debent: Sac. Rit. Congr. 27. Septembr. 1659. in decreto generali coram Alexand. VII. Vide num. ant.

370 Si Episcopus aderit in ecclesiis Prælatorum inferiorum, vel abbatibus, sedes in cornu evangelii, uno saltem gradu eminentior Sede abbatiali est erigenda, hæcque altero gradu humilior in cornu epistolæ collocari debet: à latere Episcopi Canonici cathedralis, prope Abbatem Canonici, vel Monachi monasterii, & abbatialis ecclesie consedere debent: confessionem cum celebrante Episcopo facere, isque thus in thuribulo imponere, evangeliorum textum osculari, & populo solemniter (quamvis Abbas ipse pontificaliter celebrat) benedicere debet: Episcopus præterea trino ductu, & immediate Canonici cathedralis duplice, moxque Abbas (nisi celebrat) pariter duplice, ac subinde Canonici, vel Monachi abbatialis ecclesie unico tantum ductu thurificari debent: S. R. C. 27. Septembr. 1659. in decreto generali coram Alexand. VII. (Immediate Canonici) Quid si Canonicus cum Episcopo adesset? require n. 31. & 157.

371 Episcopi abstinere debent, ubi consuetudo non viget, à frequenti accessu ad ecclesias exemptas pro sacris functionibus assistendo, ut liberius Abbates valeant suis uti privilegiis: S. R. C. 27. Septembr. 1659. in decreto generali coram Alexand. VII.

372 In Ordinationibus Canoniorum, Clericorum, Monachorum, necnon in vestitionibus Monialium, & emissionem professionis eorundem, etiam pleno jure Prælati inferioribus subjectarum, in benedictionibus sacre suppellectilis, ceterisque actibus (Missarum, Vesperarum, & Matutinarum solemnium, ter tantum in anno, ut præfertur, exceptis), neque in Ecclesiis, Oratoriis, aliisque locis tam publicis, quam privatim, quantumvis exemptis, & eisdem Abbatibus pleno jure subjectis, mitram, baculum, & quavis alia pontificalia insignia, nisi expresse Sedis Apostolicæ concessione, adhibere non debent: S. R. C. 27. Septembr. 1659. in decreto generali coram Alexand. VII. (Ter tantum in anno) occasione magnæ solemnitatis, ut sunt patroni, vel tituli, seu dedicationis Ecclesie: Vide num. 299. Ampliatur etiam præsens decretum pro Cassinensibus. Vide num. 405.

373 Prælati Episcopis inferiores ecclesiasticam suppellectilem pro servitio duntaxat snarum ecclesiarum, vel monasteriorum benedicere valent: S. R. C. 27. Sept. 1659. in decreto generali coram Alexand. VII. Vide num. seq. (Suppellectilem) benedicere, etiam Cassinenses non posse, nisi decesserit de indulto, statuit S. R. C. Vide num. 406.

374 Prælati Episcopis inferiores aliqua pontificalia extra loca ipsis subjecta, vel pro servitio alienæ ecclesie, aut in subditos pariter alienos, etiam de licentia Ordinariorum, exercere non possunt: puta campanarum benedictionem, calicem, & similia, in quibus sacra adhibetur unctio, necnon minorum Ordinum collationes: S. R. C. 27. Septembr. 1659. in decreto generali coram Alexand. VII. Vide num. 364.

375 Prælati inferiores Concionatoribus, qui eorum subditis verba Dei prædicandi onus accepterint, benedictionem elargiri præsumere non debent, sed Episcopi, quibus jus hujusmodi privatim competit, omnino dimittant: S. R. C. 27. Septembr. 1659. in decreto generali coram Alexand. VII. Vide num. 407.

376 *rali, coram Alexand. VII. Neque missarum solemniter pontificaliter peragentes. Vide num. 407.*

377 In Missis privatim quoad indumenta, caeremonias, ministros, altaris ornatum, & benedictionis largitionem, à simplici Sacerdote Prælati inferiores discrepare non debent, ac proinde sacras vestes induere debent in sacristia; neque uti possunt cruce pectorali: unico tantum contenti sint Ministro, aquam cum pelvi & urceolo argenteis sibi ministrare minime facere possunt, duasque tantum candelas super altare adhibere valent: S. R. C. 27. Septembr. 1659. in decreto generali coram Alexand. VII. Sacras vestes (pretiosiores simplicium Sacerdotum: Vide num. 830. In Sacristia) particulari, & aliis distincta: Ibidem.

378 Locorum Ordinarii auctoritate Sedis Apostolicæ possunt, immo debent Abbates, Prælatos Episcopis inferiores, qui usi Pontificalium gaudent, tum Seculares, tum Regulares, quantumvis exemptos, & speciali expressione indigentes, etiam per censuras compellere ad omnimodam observantiam rerum præscriptarum circa moderationem Pontificalium: S. R. C. 27. Septembr. 1659. in decreto generali coram Alexand. VII. Rerum præscriptarum, pro quibus consule antecedentes sanctiones.

379 Nonnulli ex Abbatibus & Prælati inferioribus proprium habent territorium, & jurâ episcopalia, nullisque subduntur Episcopis, qui eos coercere, si excesserint, valeant: eo casu à Sedis Apostolicæ Nuntiis, si adsint, sin minus ab Archiepiscopis, in quorum provinciis, & ab Episcopis Romano tantum Pontifici subjectis, intra, vel prope quorum diocesis limites eorum ecclesie, vel monasteria sita sunt, tamquam à S. Sede delegatis ad hujusmodi decretorum observationem prædicti omnino debent cogi: S. R. C. 27. Septembr. 1659. in decreto generali coram Alexand. VII.

380 Beatorum imagines, etiam non principaliter, & uti supplicis appositæ, simulacra, pictura, tabella, aut scriptura, eorum præclara gesta representantes, aut referentes, in ecclesiis, sacristiis, & oratoriis quibuscumque, & præsertim in quibus missæ sacrificium, vel alia divina officia peraguntur, inconsulta Sede Apostolica nullo modo exponi debent: S. R. C. 27. Sept. 1659. in decreto generali super cultu de Beatis adhuc non canonizatis præstanto num. 1. Alexand. VII. præsentie. Indulta hujusmodi quomodo intelligenda: Vide num. seq. 388.

381 Ubi indultum fuerit per Sedem Apostolicam, imagines, simulacra, pictasque tabellas in ecclesia poni, coll posse in pariete tantum, non tamen super altare collocandi facultas tributa censetur: S. R. C. 27. Septembr. 1659. in decreto generali de Beatis num. 2. Alexand. VII. approbante. Secus resolvitur, ubi indultum habetur pro missa Beatorum: Vide num. seq. & 389.

382 Si concessa fuerit per Sedem Apostolicam altarium erectio, non tamen ob id missa & officium de Beatis celebrandi, vel recitandi facultas tradita præsumatur: etenim specifica & expressa concessio super his præcedere debet: S. R. C. 17. Septembr. 1659. in decreto generali de Beatis n. 3. Alexand. VII. confirmante.

383 Ubi in uno loco cultus Beatis fuerit concessus, non extendatur inconsulto Pontifice ad alium locum, quavis alia concurrente auctoritate: S. R. C. 27. Septembr. 1659. in decreto generali de Beatis num. 4. coram Alexand. VII. Vide tamen num. 388. & 389. seq.

384 In locis, ubi Beatos ab omnibus coli permissum fuit, non inde publica officii recitatio permissa censetur, sed tantummodo privata, vel satisfactoria præcepto recitationis, nisi quoad illos, quibus Sedes Apostolica de hoc indulerit: S. R. C. 27. Septembr. 1659. in decreto generali de Beatis num. 5. Alexand. VII. imperante.

385 Missæ de Beatis, quæ fuerint indultæ certis personis, nempe Presbyteris Regularibus, vel Secularibus alicujus loci vel monasterii, seu Presbyteris alicujus ecclesie servitio præcipue additis, à confluentibus Sacerdotibus, quavis dignitate, etiam Cardinalatus insignatis, minime celebrari possunt: S. R. C. 27. Sept.

386 *tembris 1659. in decreto generali de Beatis n. 6. coram Alexand. VII. Vide num. 398.*

387 Dies festi in Beatorum memoriam non celebrantur, nisi speciali indulto Apostolico provisorum fuerit: Sac. Rit. Congr. 27. Septembr. 1659. in decreto generali de Beatis n. 7. coram Alexand. VII. Qui vero casu excipiendi sint. Vide num. 389. & 1311.

388 Beatorum nomina in calendaris non apponantur, nisi illius tantum loci, earumque personarum, in quo, & à quibus cultus cum officio & missa celebratur: S. R. C. 27. Septembr. 1659. in decreto generali de Beatis n. 8. coram Alexand. VII. Vid. num. 383.

389 In quibusvis ecclesiasticis precibus, etiam in oratoris privati recitandis, particularia Beatorum suffragia apponantur, vel recitentur: S. R. C. 27. Septembr. 1659. in decreto generali de Beatis num. 9. coram Alexand. VII. Vide num. seq. & 389.

390 In publicis precibus, præter indultas, à Sede Apostolica approbatas, Beati non invocentur: S. R. C. 27. Septembr. 1659. in decreto generali de Beatis num. 10. coram Alexand. VII. Vide num. antecede.

391 Beatorum reliquæ in processionibus minime circumferantur: S. R. C. 27. Septembr. 1659. in decreto generali num. 11. coram Alexand. VII. Licet in altari exponi possint: Clemens XI. const. 82. num. 11. quæ incipit. Viros gloriosos §. 2. 8. Maji 1716. edita.

392 Non removetur cultus Beatis, qui per communem consensum Ecclesie, vel per immemorabilem temporis cursum, aut per Patrum, Virorumque Sanctorum scripta, vel temporis centum annorum metam excedentes scientiam, ac tolerantiam Sedis Apostolicæ, aut Ordinariorum hactenus præstitus, ac certis modo & forma ab eo tempore eis exhibitus fuit. Verum si à centum annis citra cultus hujusmodi aliqua ex parte contiterit auctus & extensus, eo casu idem in pristinum reducatur; prout quivis cultus, extra casum prædictos ad expressam tantum verbaliter in Apostolicis indultis omnino revocetur: S. R. C. 27. Septembr. 1659. in decreto generali de Beatis num. 12. coram Alexand. VII.

393 Beati in patronos non eligantur, nec eorum natalitia cum octavis celebrantur: S. R. C. 27. Sept. 1659. in decreto generali de Beatis num. 13. coram Alex. VII. Beati in patronos non eligantur, nisi auctoritate Apostolica: Vide num. 1311.

394 Locorum Ordinarii, auctoritate Sedis Apostolicæ possunt, immo debent Seculares & Regulares quoscumque, quantumvis exemptos, & speciali expressione indigentes, etiam sub censuris compellere ad omnimodam omnium decretorum circa Beatos observationem. Cum aliqui nullo subduntur Episcopo, qui eos, si excesserint, coercere valeat, eo casu à Sedis Apostolicæ Nuntiis, si adsint, sin minus ab Archiepiscopis in eorum provinciis, vel ab Episcopis Romano tantum Pontifici subjectis, intra, vel prope quorum diocesis limites, eorum ecclesie, vel monasteria sita fuerint, tamquam à Sede Apostolica delegatis omnino cogi debent: S. R. C. 27. Sept. 1659. in decreto generali de Beatis num. 15. coram Alex. VII. Vide num. 388.

395 In missis ferialibus, quæ contingunt à Dominica Passionis ad feriam quintam Cœnæ Domini, si faciendæ obveniat commemoratio de simplici, omittenda est tertia oratio, quæ pro secunda assignatur: in missali, nempe pro ecclesia, vel pro Papa: S. R. C. 22. Nov. 1659. in una Rubricarum. Item infra Octav. Paschalis & Pentecostes. Vide num. 291. & 1049.

396 Ab eo tempore, quo Innocentius X. ad duplicem ritum erexit officium S. Franciscæ Romanæ, dubitari cepit, an festo Quadraginta Martyrum sit assignanda sedes fixa, nempe dies decima Martii: an vero idem festum tamquam translatum, prima die non impedita sit celebrandum? Quo dubio in Sacra Rituum Congregatione proposito, hæc declaravit assignari debere certam sedem officio quadraginta Martyrum, diem scilicet decimam Martii; idemque in novis martyrologiis servari mandavit: S. R. C. 26. Novemb. 1659. in una Rubricarum. Hoc decretum modo est generale: Vide num. 1177.

- 395 Archidiaconus, prima Dignitas cathedralis, tenetur accedere ad cubiculum Episcopi, ob obsequium ei exhibendum, dum Episcopus ad ecclesiam cum cappa accedit: & si recuset, omnino est compellendus ut præset: S. R. C. 24. *Januar. 1660. in una S. Severini.* (Archidiaconus) similiter & omnes Dignitates. Vide num. 99.
- 396 Archidiacono, & Canonicis capiti cathedralis Camerinenensis præsentibus, an ipsis liceret plures missas celebrare feria quinta in Cœna Domini, in qua cadit festum SS. Annuntiationis? Sacra Congregatio respondit licere; & jussit, ut à Cardinali Vicario singularum ecclesiarum Urbis Rectoribus idem notificaretur: S. R. C. 20. *Martii 1660. in eadem Camerinenensis.* Decretum hoc est generale, servato ordine in num. 889.
- 397 Ubi indultum fuerit ut missa de aliquo Beato celebraretur, licitum est ejus imaginem & simulacrum super altari exponere, necnon votivas tabellas illi appendere: S. R. C. 17. *Apr. 1660. in una Dubiorum.*
- 398 Dies festi in Beatorum honorem non celebrandi, non extenduntur ad festa devotionis: S. R. C. 17. *Apr. 1660. in una Dubiorum.* Vide num. 384.
- 399 Indulta recitandi officium cum octava, vel sine octava, & celebrandi missam de Beatis, non fuerunt revocata per decretum emanatum anno 1659. 27. Septembris: S. R. C. 17. *Apr. 1660. in una Dubiorum.* Vide num. 383.
- 400 In ecclesiis, in quibus officium & missa de Beatis recitari, ac respective celebrari possunt, licitum est eorum reliquias exponere: S. R. C. 17. *Apr. 1660. in una Dubiorum.* (Reliquias exponere) Etiam super altari, secus autem deferre in processionibus. Vide num. 388.
- 401 Episcopi Regulares, qui ex indulto Sedis Apostolicæ gaudent privilegiis suæ Religionis, de quibus sunt capaces pro eorum conditione, non possunt de Beatis suæ Religionis recitare officium, & in propriis cathedralibus missam celebrare, & altare Beatis prædictis erigere: S. R. C. 17. *Aprilis 1660. in una Dubiorum.*
- 402 Privilegium concessum ab Alexandro II. Abbatibus monasterii Cavensis Congregationis Cassinensium celebrandi pontificaliter in exequiis nobilium Virorum, non extenditur ad alia monasteria ejusdem Congregationis, neque comprehenditur in restrictione usus Pontificalium: S. R. C. 12. *Junii 1660. in una Cavensi Alex. VII. approbante die 20. Julii.* Vide num. 256.
- 403 Abbates Congregationis Cassinensium divina peracturi in accessu & recessu, non obstante prohibitione in num. 6. decreti generalis die 27. Sept. 1659. expressa, ab immemorabili tempore, possunt associari more Episcoporum à suis Monachis, modo non extra, sed intra septa monasterii, sese ad Eccles. conferant: S. R. C. 12. *Junii 1660. Alex. VII. approbante die 20. Julii.* Vide num. 140. & 160.
- 404 Abbatibus Congregationis Cassinensium licet in n. 7. decreti generalis 27. Sept. 1659. taxatus fuerit numerus ministrorum inferiorum, conceduntur tamen alii quatuor ministri cotta induti: S. R. C. 12. *Junii 1660. Alex. VII. confirmante.* Vide num. 361.
- 405 Ad §. decreti, quo usus mitræ pretiosæ & baculi sine velo appenso veritus est: asserentibus Monachis Congregationis Cassinensium, mitram pretiosam ipsis de jure competere, velum quoque nunquam eos consuevisse baculo appensum adhibere, nec esse de ritibus Romanæ Ecclesiæ, sed Ambrosianæ tantum: S. R. C. censuit, quoad mitram servandam esse dispositionem Capituli: *Ut Apostolicæ de privilegiis in sexto, quoad baculum vero servandam esse decretum: Eadem S. R. C. 12. Junii 1660. Alex. VII. confirmante die 20. Julii.* (Ut Apostolicæ de privilegiis in sexto) quo statuitur, ut Abbates, & alii, quibus mitræ usus est ab eadem Sede concessus: (Exempti quidem in provincialibus conciliis, & episcopalis syndosis) (quibus nonnulli eorum interesse teneantur) mitris tantummodo auriferis, non tamen aureas, vel argenteas laminas, aut gemmas habentibus, uti possint: Non exempti vero

simplicibus, & albis ac planis utantur. In aliis vero locis exemptis, & non exemptis mitris liceat illis uti, prout concessa eis ab eadem Sede indulta permittunt: *lib. 5. tit. 7. cap. 6. De privilegiis...* Quoad baculum. Vide num. 362.

Abbatibus Congregationis Cassinensium possunt uti mitra, & aliis insignibus pontificalibus in actu ordinationum, & benedictionum cum oleo sancto, non obstante quod usus mitræ, & aliorum insignium pontificalium in num. 17. decreti generalis 27. Septemb. 1659. fuerit prohibitus: S. R. C. 12. *Junii 1660. confirmante Alex. VII. die 20. Julii.* Vide num. 371.

Asserentibus Monachis Cassinensibus eorum Abbatibus licitum esse benedicere paramenta ecclesiarum non subditarum ac Apostolice Indulto, S. R. C. mandavit exhiberi indultum authenticum ex archivio Apostolico desumptum, ac intem sit abstinere: Ead. S. R. C. 12. *Junii 1660. confirmante Alex. VII. die 20. Julii.* ejusdem anni in decreto, quod incipit. Procurator generalis: Vide num. 372.

Prælati Episcopis inferiori, vel cuique alio gaudenti usu Pontificalium, non licet benedicere Concionatorem, qui concionem sit habiturus, dum ipsemet missarum solemnium pontificali modo peragit, quia post Concilium Tridentinum prohibetur hujusmodi benedictiones etiam per decretum emanatum 27. Septemb. 1659. circa usum Pontificalium: S. R. C. 12. *Junii 1660. in Modiolanensi.* Vide num. 374.

Missæ solemnium in Dominica infra octavam alicujus Sancti, non debet celebrari de eodem Sancto, licet de consensu Ordinarii fiat processio ad ejus Ecclesiam: S. R. C. 24. *Julii 1660. in Arantina.* Aliàs resolvitur de B. Maria Virgine. Vide num. 420. & 423.

Missæ omnes de Sanctis sub ritu duplici excluduntur ab octava Epiphaniæ, præter eas, quæ sunt primæ classis, nempe titularis, & patroni principalis, ac dedicationis Ecclesiæ: Sac. Rit. Congr. 20. *Novemb. 1660. in Asculana in Apulia.* (Ab octava Epiphaniæ) id est, infra octavam; in die autem octava neque de Titulari, vel Dedicatione festum erit agendum: Rubric. Miss. prop.

Missæ plures non possunt celebrari in capellis nobilium à Sacerdotibus Regularibus: S. R. C. 23. *Februar. 1661. in Januen.* (Regularibus) neque Secularibus. Cardinales S. R. E. & Episcopi omnes, quomodo possint: Vide num. 619.

Symbolum in missa solemnium potest decantari in illa ecclesia, ubi est altare erectum sub invocatione alicujus Sancti, ratione concursus ad præscriptum rubricarum, licet de eo fiat officium sub ritu semiduplici, ut pro festo S. Antonii de Padua declaravit S. R. C. 1. *Aprilis 1661. in una Burgi S. Domini.* (Symbolum) totum à choro decantandum sine organi interpositione: *Cærem. Episc. lib. 1. c. 23. n. 10.*

Missæ secunda de Passione Domini cum Gloria, & Credo, in altari SS. Crucifixi singulis Dominicis, præter Resurrectionis Domini Nostri, & Pentecostes, non conceditur, neque potest tolerari: S. R. C. 2. *Julii 1661. in Tolertana.*

In capella palatii episcopalis, absente Episcopo, vel sede vacante, potest Vicarius generalis missam celebrare, & in diebus festis ipsam audientes adimplent præceptum ecclesiæ: S. R. C. 2. *Julii 1661. in Bituntina.*

Missæ sacrificium peragi potest in publico oratorio extra aliquod oppidum constructo, de licentia Episcopi in diebus solemnioribus anni, etiam contradicente parochia pro commoditate villicorum circum habitantium, dummodo habeat omnia requisita ad ecclesiam, vel saltem ad publicum oratorium constitutum: S. R. C. 3. *Sept. 1661. in Ferrer.* (In diebus solemnioribus anni, etiam contradicente Parochia) dummodo tamen non sit Ecclesiæ parochialis proximum. Pro intelligentia hujus decreti. Vide num. 619. & 234.

Patens suppositio per Sacerdotem cotta indutum in communione generali, hæc per Dignitates agitur, licita est. S. R. C. 3. *Sept. 1661. in Adriem.*

Non

417 Non posse celebrari missas etiam pro animabus Purgatorii una hora post meridiem statutum fuit à S. R. C. 24. *Nov. 1661. in Neapolitana.*

418 Habens indultum à Sede Apostolica erigendi oratorium privatum in propria domo, si quis voluerit ibi ædificare altare ligneum, non indiget facultate Apostolica; dummodo altare ligneum cum sacro lapide parieti colligatum, amovibile non sit, & altaris portatilis imaginem non præferat. S. R. C. 3. *Decembris 1661. in una Nullius Loci Cirignola.* (Altaris portatilis) erectio, Episcopis regulariter conceditur iis conditionibus; ut in num. 619.

Regulares tenentur quidem celebrare festum de Dedicatione ecclesiæ cathedralis, sed sub ritu duplici secundæ classis, & sine octava: S. R. C. 2. *Apr. 1662. in Decreto generali, approbante Alex. VII. die 8. ejusdem mensis & anni.* Regulares in civitate, non vero per dioccesim, quo nomine intelliguntur etiam Moniales, vide num. 647. 1180. 1282. & 1316.

420 Missa in die solemnitas Corporis Christi non debet cantari post absolutam processionem; & hujusmodi consuetudo, uti à cæremionibus dispositione aliena omnino abroganda est: S. R. C. 3. *Junii 1662. in Arbinganen.* (Missa) hujus diei cantari debet per primam Dignitatem, vel digniorem Canonicum: qua finita ordinatur processio ab Episcopo peragenda. Si vero Episcopus voluerit celebrare, & SS. Sacramentum conficere, poterit missam planam legere, omissa pro hac die solemnitate propter processionem, & ad evitandum calorem: ac in fine missæ, Canonici & alii capient paramenta. *Cærem. Episcop. lib. 2. cap. 33. num. 15. 18. & 31.* Vide num. 8.

421 Episcopus non potest statuere diem Dominicam ad celebrandum festum alicujus Sancti Martyris, de quo asservatur reliquia insignis in aliqua ecclesia; nec de eo celebrari debere officium & missam in ipsa die sui martyrii, nisi reliquia sit de sancto descripto in martyrologio Romano, & nisi constet de identitate reliquæ ejusdem Sancti. S. R. C. 3. *Jun. 1662. in una Dubior.* Vide num. 629.

422 Tibia non est reliquia insignis. S. R. C. 3. *Jun. 1662. in una Dubiorum.*

423 Omnibus & singulis Sacerdotibus, tam Secularibus, quam Regularibus cujusvis Ordinis, etiam necessario exprimitur, directe præcipitur ut missas privatas pro defunctis, seu de Requiem, in duplicibus nullatenus celebrare audeant, vel præsumant, quod si ex benefactorum præscripto missæ hujusmodi celebrandæ incidant in festum duplex, tunc minime transferantur in aliam diem non impeditam, ne dilatio animabus suffragia expectantibus detrimentum sit, sed dicantur de festo concurrenti, cum applicatione sacrificii juxta mentem eorumdem Benefactorum, eurentque ecclesiarum Rectores, Sacristæ, alique, ad quos spectat, ut hujusmodi decretum inviolate servent, atque in sacristia affixum retineant, ubi commode ab omnibus celebrare volentibus conspici & legi possit: in eos autem, qui contrafacere ausi fuerint, vel præmissa adimplere neglexerint, locorum Ordinarii, tam Seculares, quam Regulares pro modo culpe animadvertant: Sac. Rit. Congr. 4. *Aug. 1662. in Decreto generali approbante Alex. VII. & 15. Sept. 1714. Clement. XI. annuente 29. ejusdem constitutione quæ incipit.* Cum occasione Missalis: Alii dies, in quibus missæ defunctorum præscribuntur, sunt in num. 75. An vero officium duplex respiciat prius ipsam celebrantem quoad privatam sui officii recitationem, vel potius ecclesiam, in qua celebrat. Vide num. 1261.

424 Laicos professos non debere præsumere præcedentiam à Clericis suæ religionis, eo quod hi sint professione posteriores, sed hi in omnibus & quibuscumque actibus tam publicis, quam privatis sunt præferendi. S. R. C. 19. *Aug. 1662. in una Ordinis Ministrantium infirmis.* *Alex. VII. die 6. Decembris ejusdem anni confirmante in const. quæ incipit.* Aliàs emanavit.

425 Missa votiva de B. V. potest celebrari in die dominico, ratione concursus populi. S. R. C. 20. *Novemb. 1662. in Arantina.* Etiam causa voti, vel alia. Vid. n. 429. (Die Dominico) intellige non privilegiato, aliique festis non privilegiatis, & dummodo Dominica non incidat in festum duplex primæ vel secundæ classis, vel infra octavas privilegiatas. Vide num. 264.

Anniversaria dies Dedicationis Ecclesiæ, dum Episcopus in consecratione ejusdem non elegerit diem, sed consecravit ecclesiam die, &c. mense, &c. debet celebrari in futurum die, quo hæc in præteritum consuetum est celebrari. Sac. Rit. Congr. 20. *Novemb. 1662. in Albigen.* Loquitur decretum de ecclesia, quæ primo erat consecrata, & nova indiget consecratione; puta, cum devastetur in majori parte. Glossa in cap. Proposuit 4. verb. Reconciliari, circa medium, de Consecrat.

427 In festo SS. Corporis Christi servanda est dispositio cæremionialis Episcoporum lib. 2. cap. 33. in ponendo SS. Sacramento, ubi nulla fit mentio de Dominus vobiscum; non vero Rituale Romanum, ubi dicitur addi Dominus vobiscum, & sic servat in Urbe Summus Pontifex, & servatur ab omnibus: S. R. C. 16. *Junii 1663. in Granaten.* & 28. *Sept. 1675. in Solernitana.* Idem servandum in repositione SS. Sacramenti pro quadraginta horis, ex const. Clem. XII. & aliorum Pontif. edita 1. *Sept. 1736. quæ incipit. Italiane, Erigendo state fatte,* §. 31. Vide num. 281.

428 Crux parva cum imagine Crucifixi posita super tabernaculum in quo asservatur SS. Sacramentum in altari, non est sufficiens in missa, sed potest debet alia crux in medio candelabrorum. Sac. Rituum Congregat. *Junii 1663. in Rossan.* (Crux parva.) "In altariibus, quæ per ecclesias erecta sunt, & in quibus sacramentum fieri consuevit, præter majorem tabulam, quæ vel depictam, vel incisam exhibet imaginem Sancti, in cujus nomen, & memoriam altare consecratum est, adungi ceptit alia minor tabula, in qua vel coloribus exprimitur, vel ære, ligno, aut marmore inciditur effigies alterius Sancti, ita ut crux auferatur, quæ, juxta Rubricas, inter candelabra collocari debet. Cum vero neminem laeat, rem divinam conficere non posse, nisi crux cum imagine Sanctissimi Crucifixi super altari constituatur, hinc minori tabulæ superadditur exiguus adeo Crucifixus, ut neque Presbyteri celebrantis oculis facile occurrat, neque ab ullo alio distingui ferme possit, nisi hic diligenter perscrutetur, utrum super altari revera Crucifixi Imago proposita fuerit. Equidem non improbamus, quod videm altare in plurium Sanctorum nomen, ac memoriam deditur, quodve in majori tabula aut unus tantum, aut plures etiam Sancti pingantur, vel delineentur, quod alia minor tabula collocetur inferior, aut alio quocumque modo, ubi unus, vel plures Sancti fidelium veneratione proponantur. Illud permittere nullatenus possumus, quod missæ sacrificium in his altariibus celebratur, quæ careant imagine Crucifixi, vel ipsa incommode statuatur ante Presbyterum celebrantem, vel ita tenuis, & exigua sit, ut ipsius Sacerdotis, & populi assistentis oculos pene effugiat." *Benedictus XIV. constituit. 17. quæ incipit: Accepimus, 16. Julii 1746. edita.* Vide num. seq.

429 In altari, in quo adest magna statua Sanctissimi Crucifixi, non est necesse ut ponatur alia crux, dum celebratur missa. Sac. Rit. Cong. 16. *Jun. 1663. in Rossanen.* (Magna statua Sanctissimi Crucifixi) ut Sacerdos celebrans, ac populus sacrificio assistens eundem Crucifixum facile & commode intueri possit, ex const. *Bened. XIV. 16. Julii 1746. (quæ incipit: Accepimus.)* Vide num. ant. & 1104.

430 Missa votiva cantata de B. M. V. cum Gloria & Credo potest celebrari die dominico causa voti, vel alia causa. S. R. C. 16. *Januar. 1663. in Rossanen.* Vide num. 424. & adnotationem.

431 In consecratione Episcoporum solus Episcopus consecrandus semper uti debet colore albo: consecratur vero, & assistentes debent uti colore, qui temporari convenit. S. R. C. 16. *Jun. 1663. in Granaten.* Vide num. 1245. Idem ritus servari posset in sacris ordinationibus. Mis-

432 Missa solemnitas de S. Josepho, quando ejus festum incidit in feriam secundam, tertiam, aut quartam majoris hebdomadæ, non potest cantari, etiam ob concursum populi, sed debet omitti, nec potest in illis diebus fieri processio in ejus honorem. S. R. C. 4. *Aug. 1663. in una Urbis.* (In feriam secundam, &c.) Insuper & alii dies, de quibus, vide num. 132.

433 Passio in missis privatis legi debet à Celebrante in cornu evangelii. S. R. C. 4. *Aug. 1663. in una Dalmatiarum.*

434 In primis vespere Dominicæ Passionis, non solum cruce & Imagines Salvatoris, sed etiam Icones altarium, & omnes Imagines Sanctorum regi debent. S. R. C. 4. *Augusti 1663. in una Dalmatiarum.* (Cruces & Imagines Salvatoris), non tantum in altaribus, sed etiam per ecclesiam. *Cærem. Episcop. lib. 2. cap. 20. num. 3. Vide num. 309.*

435 Hebdomadarius in decantandis in choro horis canonicis, & sua officia peragens, non debet uti stola. S. R. C. 4. *Aug. 1663. in una Dalmatiarum.* (Non debet uti stola), nisi in vespere diei defunctorum presente Episcopo celebrante: tunc enim Canonicus hebdomadarius pluviali nigro supra cotam erit indutus, aut saltem stola nigra. *Cærem. Episcop. lib. 2. cap. 10. num. 10.*

436 Cruces, quæ fiunt à Sacerdote super oblata, non aunt faciendæ manu transversa, sed manu recta in transversa parte crucis. S. R. C. 4. *Aug. 1663. in una Dalmatiarum.*

437 Manus Sacerdotis ad *Hanc igitur* debent ita extendi, ut palmæ sint apertæ, pollice dextero super sinistram in modum crucis super manus, non vero infra manus. S. R. C. 4. *Aug. 1663. in una Dalmatiarum.*

438 Pars inferior Hostiæ prædici debet, non autem superior; quando dicitur *Pax Domini sit semper vobiscum*: S. R. C. 4. *Aug. 1663. in una Dalmatiarum.*

439 Quando Episcopus assistit missæ solemnī, Celebrans debet respondere Episcopo: *Ad Deum, qui lesificat juventutem meam*, & alia usque ad *Indulgentiam* inclusivæ, non vero simul cum illo dicere: *In nomine Patris*, &c. S. R. C. 4. *Augusti 1663. in una Dalmatiarum.*

440 Quando Episcopus assistit cum cappa missæ solemnī, thurificandus est Celebrans finitò evangelio, non vero Episcopus, quia non est paratus pluviali. S. R. C. 4. *Aug. 1663. in una Dalmatiarum.*

441 In die commemorationis omnium fidelium defunctorum, sacrificia possunt à Sacerdotibus celebrantibus applicari ad libitum, scilicet per totos omnibus fidelibus defunctis, vel pro aliquibus tantum: S. R. C. 4. *Aug. 1663. in una Dalmatiarum, & 9. Decembris 1709. in una Ordinis Cappuccinorum, & 2. Sept. 1741. in Aquen.* (Applicari ad libitum.) Missa vero tam solemnī, quam privata, recitatur in communi, excepta unica solemnī in die obitus. Rubr. *Mis. prop. Vide num. 300.*

442 Canonici pluviali, planeta, dalmatica, vel tunice la parati, non debent deferre almutias; Canonico vero defuncto induto planeta, seu dalmatica, vel tunice la, imponi potest almutia super brachium. S. R. C. 4. *Augusti 1663. in una Dalmatiarum.* (Induto planeta, &c.) Non alio habitu sive Contraternitatum, sive Religionum, sed cum sacris vestibus ordini convenientibus. Et non solum Canonici, sed omnes de clero, præsertim Sacerdotes, Diaconi, & Subdiaconi. *Clemens XI. 9. Decembris 1705. in const. quæ incip. Avenudo la Santità di Nostro Signore: & Rit. Rom. Tit. de Exequiis.*

443 Canonici, quando missam celebrant, de rigore uti possunt annulo aureo, sed sine gemma, & sine aliqua effigie. S. R. C. 4. *Aug. 1663. in una Dalmatiarum.*

444 Canonici assistentes tenentur accipere biretum de manu Episcopi cappa induti, & eidem reddere, non obstante alio decreto præcipiente per capellanum hujusmodi implenda esse. S. R. C. 4. *Aug. 1663. in Ragusina.* (De manu) non de capite Episcopi. Vide n. 175.

445 Archiepiscopo ecclesie tamquam Archiepiscopitero, & in functionibus archiepiscopiteralibus, & ad se uti Ar-

chiesbyterum spectantibus, non competit usus habitus Protonotarii: S. R. C. 24. *Maji 1664. in Taurinen.* (Non competit usus habitus Protonotarii), nisi forte subana violacea: Vide num. 119.

Protonotarius apostolicus prima Dignitas alicujus cathedralis, non potest in habitu Protonotarii sedere in choro in suo stallo, sed sedere debet, ut dicitur in libro cæremontiali: S. R. C. 12. *Julii 1664. in Trident.* (Ut dicitur in cæremontiali) scilicet post Abbates, si erit non participans, supra vero, si erit participans. *Cærem. Episc. lib. 1. c. 13. n. 13. Vid. n. 136. & 170.*

Dedicatio basilicæ SS. Salvatoris extra alam Urbem non habet inegras secundas vespere, si concurrat cum sequenti officio duplici minori. S. R. C. 12. *Jul. 1664. in una Ord. Min. de Observ.*

Recitantes ex legitima concessione officium SS. Corporis Christi in qualibet feria quinta per annum non impedita festo novem lectionum, illud persolvere debent ut in die ejusdem solemnitatibus missam vero debent celebrare quæ est votiva de SS. Sacramento. *Sac. Rit. Congreg. 12. Julii 1664. in una Ord. Min. de Observ.* (Feria quinta non impedita) intellige etiam per officia translata, vide num. 536. (Ut in die ejusdem solemnitatibus) exceptis *Alleluja* in responsoriis & antiphonis, extra tempus paschale non recitandis. Vide num. 1084. (Missa) cum *Gloria in excelsis*, & sine *Credo*. Vide num. 1272.

Cum S. Januarius fuerit declaratus à S. R. C. patronus principalis regni Neapolitani, hinc die festo diei Sancti debet in eodem regno fieri officium sub ritu duplici cum octava, sed de S. Januario tantum, non vero de sociis ejusdem, quorum officium transferatur ad primam diem non impeditam. S. R. C. 12. *Julii 1664. in Monopolitana.* (Sub ritu duplici) primæ classis: Rubr. *Brev. de Patrono*, & S. R. C. n. 26.

Secundæ vespere de die octava non privilegiata concurrentes cum primis vespere festi duplicis, debent dimidiari, & fieri à Capitulo de festo sequenti: *Sac. Rit. Cong. 12. Jul. 1664. in una Ord. Min. de Observ.* (Debet dimidiari.) Procedit hoc quoque in octava dedicationis ecclesie, fallit autem in octavis B. Mariæ Virginis, & in vespere festi SS. Angelorum, Apostolorum: Vide num. 446. 522. & 631.

Lectiones primi Nocturni in officio de festo duplici majori, sumendæ sunt ex ejus communi, si ex concessione non habeantur proprie: S. R. C. 12. *Julii 1664. in una Ord. Min. de Observ.*

In missis de Beatis, quæ sub ritu duplici majori celebrantur, non debet dici *Credo*. S. R. C. 12. *Julii 1664. in Romana Ord. Min. S. Franc. de Observ.* (In Missis de Beatis), nisi essent Patroni loci ex auctoritate Sedis Apostolicæ. Vide n. 1311. Quid vero in missis de Sanctis: Vide num. 1190.

Missa celebratio in ecclesia (seu oratorio) sita in territorio extra moenia alicujus oppidi, non potest prohiberi, antequam celebretur in ecclesia parochiali, & matrice, non obstante decreto Episcopi in synodo diocæsana, aut quocumque alio, etiam in erectione ecclesie edito, celebrationem hujusmodi prohibente: S. R. C. 30. *Augusti 1664. in Camerinensi, & 24. Jan. 1665. in Nucerna.* Hoc decretum non habet amplius locum in illis ecclesiis, quæ parochiali sunt proximæ, ut supra jam notandum fuit: Vide num. 234. & 286.

Dignior Sacerdos, ad quem spectat candela, cineres, & palmam Sacerdoti Celebranti in die Purificationis, in feria quarta Cinerum, & in Dominica Palmarum ministrare, debet ab eodem Celebrante supradicta accipere stans, non vero flexis genibus: S. R. C. 30. *Aug. 1664. in Satrin.* (Dignior Sacerdos.) Intellige Canonicum, secus debet genuflectere, juxta Cæremontiale Episcop. Vide num. 80.

Anniversaria, & missæ cantatæ de *Requiem* illius ex dispositione testatorum quot annis in die ipsorum obitus, etiam in duplici majori contingentes possunt celebrari, & proinde in decreto die 5. Augusti 1662. edito, non comprehenduntur. *Sacra Rituum Congregatio 22. Novemb. 1664. in Novariensi approbante Alexand. VII. in ejus Bullario const. 176. quæ incip. Credita*

nobil, anno 1606. edita. (In die ipsorum obitus), nunc autem extenduntur extra obitum. Vide n. 1278. & *reqq.* In duplici majori, nisi esset de præcepto. Vide n. 19. Intelligendum tamen hoc decretum de unica missa de *Requiem* cantata, non vero de missis privatis.

Cum ex privilegio Apostolicæ Religio Servorum B. M. V. possit, & valeat recitare officium Sanctissimi Sacramenti qualibet feria quinta, & illud B. Virginis qualibet die Sabbati sub ritu semiduplici, dummodo dies non sint impediti officio IX. lectionum, & exceptis Adventu, Quadragesima, & Vigiliis: Et cum multoties eveniat, quod sit remittendum officium alterius Sancti, aliis de causis translaturum: ideo Rector, & Patres Montis Separii in Btruria ejusdem Ordinis, ad tollenda multorum dubia supplicarunt Sacram Rituum Congregationem pro declaratione: an dictis diebus dicendum sit officium translaturum, vel potius Sanctissimi Sacramenti, & B. Virginis ex dicto privilegio, prout hactenus consueverunt & eadem Sacra Rituum Congregatio respondit; *translatum alterius prout ab officium fieri juxta privilegium, stante præsertim laudabili consuetudine.* *Sacra Rituum Congregat. 22. Novemb. 1664. in una Estruria.* Hoc decretum est municipale tantum, stante laudabili & particulari consuetudine, generale vero contrarium, consule sub num. 718. & *reqq.*

Archiepiscopo alicujus loci, & ecclesie, quæ non habet Clerum, ipso absente, vel impedito, potest deputare in functionibus parochialibus unam ex Capellanis amovibilibus plurium Contraternitatum in sua ecclesia degentium sibi bene visum, non obstante quod alii Capellani noviter instituti præstant ad ipsos, uti non amovibiles, spectare. *Sacra Rituum Congreg. 20. Jun. 1665. in Arimin.*

In die, quo celebratur festum duplex etiam translaturum, prohibetur missa de *Requiem*, nisi sit præsens cadaver. In Anniversarij potest anteferi, immo debet, & in feriis majoribus debent omnino cantari duæ missæ, & collectæ pro defunctis non admittantur, nisi in missis Simpliciis, & Perialium. S. R. C. 31. *Jul. 1665. in una nullius, Provincia Treviren.* (Nisi sit præsens cadaver.) Intellige de unica missa solemnī eo modo quo in num. 19. (Cantari duæ missæ), ubi adest unus cantandi, de quo consule num. 599. & 1260. (Collectæ pro defunctis), Quid vero statuat pro defuncto in particulari, require num. 382.

Jus porrigendi, & dandi aspersorium Episcopo accidenti ad cathedralem privative in omnibus functionibus spectat ad dignitorem de Capitulo, non autem ad Vicarium. S. R. C. 31. *Jul. 1665. in Marturana.* (Ad dignitorem de Capitulo), secus extra cathedralem, ut in num. 71.

Celebrans, & Assistentes in vespere & missa solemnī etiam in solemnitatibus debent sedere in scamno, & non in sede camerarii. S. R. C. 31. *Jul. 1666. in Raginata. in Calabria.* (Celebrans, & assistentes), licet Canonici, tam Episcopo presente, quàm absente. Vide num. 115. & 143. Modus vero sedendi in missis habetur in num. 200.

Quando exponitur SS. Sacramentum in altari pro initio quadragesimæ horarum, vel spiritualium exercitationum, qui accidit in festo primæ, vel secundæ classis, sive in Dominica privilegiata primæ, vel secundæ classis, tunc in Collegiatis vel due cantentur missæ, una de festo, seu de Dominica post Tertiam, altera votiva de Sacramento post Nonam, vel una cantetur de die cum commemoratione SS. Sacramenti. S. R. C. 13. *Febr. 1666. in una Rubricarum.* (In festo primæ vel secundæ classis, sive in Dominica &c.) omnibus diebus vigore Calendarii universalis seu particularis illius ecclesie; sive secularis, sive Regularis. Item in feria quarta cinerum, secunda, tertia, & quarta majoris hebdomadæ, per totam octavam Paschæ, Pentecostes, & Epiphania, in vigilia Nativitatis, & Pentecostes: In quibus unice cantari missa præcipitur (etiam ubi adest unus cantandi plures missas quotidie) de Octava, Dominica, vel Feria &c. cum commemoratione SS. Sacramenti sub unica conclusione. *Clem. XI. & Clem. XII. in const. 40. Horarum consim.* ab aliis Summis Pontificibus, edita 1. Sept. 1736. incipit *Italice*: Essendo state fatte §. 12. (Vel duæ cantentur missæ). Hac alternativa non habet locum in expositione quadragesimæ horarum, sed forte in illa spiritualium exercitationum occasione peracta, ut loquitur præsens decretum.

In Officiis Sanctorum concessis Regularibus infra annum, puta Conceptionis B. V. M. Ordinis S. Francisci, sicut etiam in officiis Translationum &c. octava benedictio erit: *Cujus festum colimus &c.* S. R. C. 13. *Febr. 1666. in una Rubr. Ord. Min. de Observ.*

In assignatione missæ & evangeliorum, quæ debentur extra tempus paschale SS. Martyribus Stanislao Pontif. Petro, ac Nereo, & Achilleo, servandæ sunt rubricæ generales. S. R. C. 13. *Sept. 1666. in Romana.* (Servandæ sunt Rubricæ Generales), scilicet epistolæ & evangelia erunt accomodanda pro SS. Stanislao & Petro de communi unius Martyris, & pro SS. Nereo & Achilleo, de communi plurimorum Martyrum extra tempus paschale.

Nulla disparitas adest inter translationem festorum Apostolorum, & illam Evangelistarum, sed occasione dictæ translationis faciendum est officium quod prius in Calendario proponitur. S. R. C. 18. *Sept. 1666. in Romana.* Vide num. 831.

Prima Dignitas in cathedrali præcedit Vicario capitali: quia cum hic habeat auctoritatem, & jurisdictionem à Capitulo, non debet præcedere primam Dignitatem, in qua Capitulum representatur. *Sacra Rituum Cong. 2. Apr. 1667. in Brevetana.* Vide n. 16.

Missa votiva dum cantatur pro re gravi de aliquo Sancto, semper dici debet cum *Gloria & Credo*, & cum colore quo utitur in festo, cuius missa cantatur. S. R. C. 13. *Aug. 1667. in una Civitatis Quercet.* (Pro re gravi), passim etiam & sine rationabili causa Missæ solemnes & privatæ ritu votivo sunt celebrandæ. Rubr. *Mis. de missis votivis, rub. IV. n. 3.* & proprio loco in fine Missalis.

Nemini licet facere octavas pro defunctis sine speciali indulto Sedis Apostolicæ: neque intuitu alicujus altaris privilegiati in aliqua ecclesia licet exponere tabellam super januam ipsius ecclesie cum inscriptione: *Indulgenza per li morti*; sed tantum super ipso altari privilegiato consuetis verbis: *Altare privilegiatum pro defunctis.* *Sacra Rit. Congreg. 13. Augusti 1667. in Romana.*

Sacerdos Secularis, sive Capellanus, sive non, qui recitavit officium semiduplex, vel simplex, vel feriale, illo die celebrans in aliqua Ecclesia Regularium, in qua recitatum est ab ipsis Regularibus eadem die officium duplex de non præcepto, prout de Sancto aliquo sui Ordinis, non potest dicere missam de *Requiem*. *Sacra Rituum Congreg. 9. Junii 1668. in Conversana.* (Regularium), intellige etiam Monialium. Vide num. 757.

Decretum de non exponenda imagine Sancti Antonii de Padua in habitu Cappuccinorum, sed Conventualium, habet locum tantum in sacro & ecclesia Metropolitana Neapolis, & non ubique. S. R. C. 21. *Julii 1668. in una Ordinis Cappuccinorum.* Exemplar habetur in Archivio generali Ordinis. Vide num. 326.

Ratione communicationis privilegiorum non potest recitari peculiare officium concessum aliis Ordinibus regularibus, de quorum privilegiis facta fuit communicatio. S. R. C. 15. *Septembris 1668. in Janu.* (Communicatio), etiamsi esset amplissima. Vide n. 512.

Missa S. Crucis non debet ullo modo celebrari die veneris infra octavam Nativitatis Domini non obstante quocumque præterita consuetudine illam celebrandi singulis diebus veneris infra annum, & signanter infra octavam supradictam. *Sacra Rituum Congreg. 12. Januarii 1669. in Florentina.* Vide num. 193.

In officio de die infra octavam Corporis Christi non legitur nona lectio de festo simplici. S. R. C. 8. *Jun. 1669. in una Dubior. Rubricarum.* (In Officio de

die): Secus in officio de Sanctis occurrentibus. Vide num. 639. & 823.

473 Missa Conceptionis immaculatæ B. M. V. & continuatio qualibet die Sabbati ex particulari populi devotione, & ex quo sit Patrona loci, non conceditur, sed ejus loco permittitur missa de S. Maria in Sabbato, dummodo non sit impedita ab aliis festis duplicibus, seu semiduplicibus. S. R. C. 20. Jul. 1669. in *Alexanen.* (Missa de S. Maria) regulariter semper dicitur una ex votivis juxta temporis occurrentiam, etiam ex præscripto fundatorum, & aliorum acclamantium. Vide num. 1258. (Festis duplicibus & semiduplicibus), intellige etiam translatis. Vide num. 717. & seqq.

474 Anniversaria, & missæ de Requiem, quæ ex dispositione testatorum cum cantu sunt quotannis celebrandæ, possunt cantari, etiamsi ipsorum obitus incidit in festo duplici majori, non tamen de præcepto. S. R. C. 20. Jul. 1669. in *Decreto generali annuente Clem. IX. 13. Augusti. ejusdem anni.* (De præcepto audiendi Sacrum), & abstinendi ab operibus servilibus. Vide num. 1299. Ritus vero anniversaria celebrandi, habes ex integro sub num. 19.

475 Privilegium Alexandri VII. die 22. Januar. 1667. circa missas de festo duplici in altaribus perpetuo privilegiatis celebratas, extenditur etiam ad altaria non in perpetuum, sed ad septennium, seu aliud brevius, vel longius tempus, ac non omnibus, sed alicui, vel aliquibus tantum hebdomadæ diebus privilegiatis: ac proinde missæ, quæ ibidem de festo currenti, in quo missæ defunctorum celebrari non possunt, sive ex obligatione, sive ex sola fidelium devotione celebrantur, suffragantur, ita ut animæ Christianidelium, pro quibus celebratæ fuerint, Indulgentias per privilegia hujusmodi concessas, consequantur in omnibus & per omnia, perinde ac si missæ defunctorum ad formam eorumdem privilegiorum celebratæ fuissent. S. R. C. 20. Jul. 1669. de mandato Clementis IX. in suo Brevis, quod incipit *Cum felicis record. 23. Sept. 1669. confirmatum.* Hoc privilegium etiam amplèditur ecclesiæ Ambrosianæ ritum. Vide num. 1157. & seqq.

476 Missa B. Mariæ Virginis sub invocatione septem dolorum feria sexta infra hebdomadam passionis, ab iis, qui gaudent hujusmodi Indulto, debet recitari cum Gloria Patri ad Introitum, & cum Psalmo *Judica me Deus* ad confessionem, sed sine Gloria in excelsis. Sac. Ritus Congregatio 31. August. 1669. in *Tornacen.* Hodie vero dicitur hymnus Angelicus, & symbolum ex decreto Benedicti XIII. qui die 22. Aug. 1727. demandavit officium & missam cum Gloria in excelsis, & Credo pro ecclesia universali. Quid vero statuat de hoc festo in concursu Annuntiationis, vel alterius, require num. 487.

477 Quando adest legatum, quod Sacerdos antequam discedat ab altari, recitet aliquod evangelium, psalmum, seu orationem post terminatam missam, debet oneri sibi injuncto satisfacere post finem missæ, exutis vestibus sacerdotibus, & cum sola cotta in altari, vel in sacristia, & sic legatum adimplere. S. R. C. 31. Aug. 1669. in *Conversana.* (Cum sola cotta) quæ ab Episcopis Regularibus, & Sacerdotibus quibuscumque, cum commode haberi possit, subius vestes sacras indui debet. Rub. Miss. de præparat. num. 2.

478 Præcedentia debetur Coadjutori Canonici Ordinis presbyteralis, non adhuc Sacerdoti, sed in minoribus Ordinibus tantum constituto, & pro suo Coadjuto ecclesiasticis functionibus, & choro interessenti. Canonici quoque ordinis diaconalis, in minoribus ordinibus, vel in sacro tantam diaconatus ordine constituti debent præcedere Canonici ordinis subdiaconalis in presbyteratus Ordine constitutis. Sacra Ritu Congregatio 21. Maii 1670. in *Asina.* Vide num. 169. & 206. (Debet præcedere): Intellige ubi præbendæ sunt distinctæ. Vide num. 54. & 271.

479 Infra Octavam Corporis Christi, prohibentur missæ votivæ quæcumque, vel pro defunctis. S. R. Congr. 21. Jun. 1670. approbante Clemente IX. die ipsamet & anno ex Decreto 20. ejusdem Pontificis, cujus initium:

Cum occasione Missalis: (Votivæ quæcumque vel pro defunctis). Excipit votivas solemnes pro re gravi, & defunctorum, præsentæ corpore num. 76. & 485.

Missæ defunctorum non possunt celebrari, nisi cum colore nigro, vel saltem violaceo. Sacra Ritu Congregatio 21. Jun. 1670. in *Oriana.*

Missam in altari majori, ubi est expositum publice SS. Sacramentum, non licet celebrare, præsertim si in ecclesia adsint alia altaria, in quibus celebrari possit. S. R. C. 9. Aug. 1670. in *Bononien.* Neque privata, neque solemnis, nisi ea dumtaxat pro expositione, & repositione Venerabilis, ut in oratione quadragesima Horarum num. 10. Clement. XII. aliorumque Pontificum jussu ordinata, edita 1. Sept. 1736. cujus initium: *Essendo state fatte: Vide num. 1225.*

Protonotarius simplex Sacerdos, si vult præcedere aliis Sacerdotibus simplicibus quoad ordinem, & ætatem, debet incedere in habitu Protonotarii; secus nulla eidem præcedentia debetur. S. R. C. 13. Septem. 1670. in *Vintimilien.* (Debet incedere in habitu Protonotarii), sed quotidianas distributiones eo casu amittit. Vide num. 184. & 741.

Archidiacono primæ Dignitatis non licet sive in præsentia, sive in absentia Episcopi uti pulvinari serico, sed coriaceo tantum. Sacra Ritu Congr. 13. Septemb. 1670. in *Beneventana.* (Archidiacono), similiter & omnibus Dignitatibus. Vide num. 124.

Prima Dignitate impedita, vel agens, succedat secunda Dignitas in functionibus præsentis, & secunda impedita, succedat tertia, & omnibus Dignitatibus impeditis, vel absentibus, primus Canonici id exequatur. Sac. Rit. Congr. 29. Novemb. 1670. in *Senen.* Vide num. 101. & 488.

Non debet cantari, neque celebrari missa in altari, ubi est expositum SS. Sacramentum, nisi sit pro eo exponendo: at si ex necessitate fieri oportet, populus benedicendus est more consueto, & non cum SS. Sacramento. S. R. C. 13. Jun. 1671. in *Angelopolitana.* (Exponendo), vel etiam reponendo: constituit. Clem. XI. quadrag. Hor. num. 10. Vide n. 480. & 1055.

Missæ cantatæ mortuorum infra octavam Corporis Christi non sunt celebrandæ, nisi præsentæ corpore. S. R. C. 12. Septembr. 1671. in *Nuscana.* Vide num. 19.

Si festum simplex occurrit eo die, quo fit de festo duplici infra eandem octavam Corporis Christi, tunc legitur nona lectio de eodem festo simplici. Sac. Rit. Congr. 12. Septemb. 1671. in *Nuscana.* Vide n. 471. & 623.

Si festum Dolorum B. M. V. occurrat in aliud festum altioris ritus, transfertur in sabbatum sequens, si vero concurrat cum festo Annuntiationis ejusdem B. M. V. Vesperæ dicuntur de Annuntiatione sine commemoratione de septem doloribus. S. R. C. Sept. 1672. in *una Rubricarum.* (Transfertur in sabbatum sequens), etiamsi occurrat eadem die officium alterius Sancti (nisi sit primæ, vel secundæ classis) quod transfertur juxta rubricas, scilicet in primam diem non impeditam. Benedicti XIII. 25. Januar. 1729. in decreto gener. Urbis, & Orbis. Vide num. 475.

Functiones pontificales, quæ absente, vel impedito Episcopo spectant ad primam Dignitatem, sunt festum Nativitatis Domini, Epiphaniæ, Ascensionis, Pentecostes, SS. Apostolorum Petri & Pauli, Assumptionis B. M. V. Omnium Sanctorum, Dedications ecclesiæ cathedralis, Tituli ejusdem Ecclesiæ, Patroni civitatis, necnon Commemoratio omnium fidelium defunctorum, distributio candelarum, cinerum, palmarum, celebratio officii feria V. in Cæna Domini, feria VI. in Parasceve, festum Paschatis Resurrectionis D. N. & dies solemnis Corporis Christi cum processione. Sac. Rit. Congr. 3. Decemb. 1672. in *Andrien.* (Functiones episcopales) quæ præter expositas in hac sanctione, aliàs reperies sub num. 101.

Canonici Penitentiaris ecclesiæ cathedralis non 490 potest cogi ad inserviendum missis cantatis pro Diacono & Subdiacono, constitutione, seu consuetudine in contrarium non obstante. Sacra Ritu Congr. 21.

Jan. 1673. in *Veltierna.* (Non potest cogi), ut præsto sit ad audiendas confessiones ex legitima causa, & ex necessitate, & dum tempore deputations confessiones actu audit, debent distributiones quotidianas, non secus ac si divinis in choro interesset, decrevit Sac. Congregat. Concilii Trident. 10. Martii 1635. lib. 15. *Decretorum pag. 175. Vide num. 624.*

491 Cum ex parte Parochorum, Rectorum, Sacerdotum locorum & terrarum, nempe di *Caneto, Caragetto, Fontanelle, Cussiglione, Medole, Solferino, Ostiano, e Volsongo,* diocesis Brixienensis, quæ sunt sitæ extra limites Status Veneti, Sacra Ritu Congregationi humillime supplicatum fuerit, quatenus ipsis ad servandam uniformitatem in recitatione officiorum diocesis Brixienensis, benigne imperitari dignaretur, ut officia Sanctorum universo Dominio Serenissimæ Reipublicæ Venetiæ concessa, ac imposterum concedenda, etiam in præfatis locis, & feriis recitari: sacra eadem Congregatio, audita prius relatione Eminentissimi Episcopi, rescribendum censuit: *Non indigere alia facultate. Die 7. Decembris 1673. in Brixien.*

492 Quamvis S. R. C. die 18. Julii 1671. annuente Clemente IX. die 16. Septemb. ejusdem anni ad dubium, an de Sanctis ad libitum fieri possit translatio, sicut fit de aliis Sanctis, qui non sunt ad libitum, similiter translatis, respondit *Affirmative:* nihilominus eadem Sacra Congregatio habita die 2. Decemb. currentis censuit, prædicto decreto non obstante, in futurum officia Sanctorum ad libitum non esse transferenda, quando dies eorum festivitatum sunt impediti Dominico, aut aliquo die festorum mobilium. Sac. Ritu Congr. 20. Decemb. 1673. in *una Urbis, & Orbis.* (Non esse transferenda) Impedit quoque officii ad libitum recitationem dies infra octavas quæcumque. Et Episcopo loci conceditur statuere aliam diem pro Sanctis ad libitum perpetuo impeditis. Vide num. 536. & 1214.

493 Protonotario Apostolico in celebratione missæ non licet deferre anulum in digito. Sacra Ritu Congregatio 3. Mart. 1674. in *Baren.*

494 Antiphonas primas recipere in choro, & Spiritum Sanctum invocare in Capitulo spectat ad primum Canonium cathedralis ecclesiæ, quando sit constitutus in ordine episcopali, non autem ad primam Dignitatem. S. R. C. 17. Novemb. 1674. in *Neapolitana.* Vide num. 186.

495 Celebrans in missa solemniter procedere debet ad præparatam sedem apertæ capite, & ita regredi ad altare, quando sedere debet, dum cantatur Hymnus Angelicus, & Symbolum Apostolorum, sed ad illa verba, quæ cantantur in choro, ad quæ fieri debet inclinatio, tenetur se inclinare nudo capite, non obstante contraria consuetudine. Sac. Ritu Congr. 21. Martii 1676. in *Collen.* (Sed ad illa verba, ad quæ fieri debet inclinatio); quæ sunt in Hymno: *Adeamus te, gratias agimus tibi, Jesu Christe, & suscipe deprecationem nostram,* in Symbolo: *Jesum Christum,* & omnia verba articuli: *Et incarnatus es &c.* (ad quæ, loco reverentiæ, genuflexio præscribitur in tribus missis Nativitatis Domini, & die Annuntiationis Beatae Mariæ tantum) & simul adoratur, sequentibus simul & semper ministris paratis. Ex Miss. Rub. l. pr.

496 Ad benedictionem solemnem Episcopi omnes etiam magistratus civitatis tenentur genuflectere præter Dignitates & Canonicos cathedralis. Sac. Rit. Congr. 21. Mart. 1676. in *Ferenina,* & antea 23. Mart. 1641. in *Imolen.* (Canonicos Cathedralis). Adde etiam collegiatæ, ubi consuetudo adest. Vide num. 1071.

497 In benedictione populo cum SS. Sacramento iste modus approbatur, nimirum cum Sacerdos stat ante populum, Ostensorium ante pectus tenet, tunc elevat illud decenti mora, non supra caput, sed tantum usque ad oculos, & eodem modo illud dimittit infra pectus, mox iterum recta linea illud tollit usque ad pectus, & exinde ad sinistram humerum ducit, & reducit ad dextrum, & versus ante pectus reducit, ibique aliquantulum sistit, quasi pæfacta ad omnes mundi partes cruce, & Sacramentum etiam venerandum omnibus

præber, tunc gyrum perficiens collocat Ostensorium super altare. Servari potest alius modus descriptus in *Cærem. Episcop. lib. 2. cap. 33.* ubi requiritur tantummodo, ut cum eodem Sacramento Celebrans producat signum crucis. S. R. C. 21. Martii 1676. in *Collen.* (Servari potest alius modus), scilicet, accepto Ostensorio, ambabus manibus velatis elevatum tenens, vertens se ad populum facit signum crucis Episcopus nihil dicens: quo facto deponit super altare, velum exiit, & genuflexit super pulvino in infimo altaris gradu. *Cærem. Episcop. lib. 2. cap. 33. num. 26. & seq.*

Potest Episcopus concedere, etiam contradicente 498 Parocho, licentiam Regularibus in die festivitatis allicujus Sancti, præcipue Fundatoris, faciendi processionem cum reliqua ejusdem Sancti, & cum Confraternitatibus erectis intus Conventum, & extra claustra dicti Conventus, & intra limites parochiæ dictorum Regularium. S. R. C. 13. Jun. 1676. in *Nuscana.* Vide num. 107.

In exequiis parvulorum in feria quinta in Cæna 499 Domini, & in feria sexta, & Sabbato sancto majoris hebdomadæ, potest omitti Gloria Patri in psalmis, qui dicuntur pro conformitate temporis. S. R. C. 16. Januarii 1677. in *Hispalen.* (Sabbato sancto) ante vespæ recitatas in choro, post quas jam reassumitur *Gloria Patri.* Vide num. 1030.

Habetur in aliquibus ecclesiis reliquia insignis allicujus Sancti, qui cum socio est in corpore Breviarj, & uterque habet festi simplicis ritum, veluti contingit in festo SS. Gervasij & Protasij, quorum duæ lectiones vitam, amorumque mortem enarrant: in quo casu, si lectiones disjungi commode possunt, legenda est illa de Sancto, cujus fit officium duplex propter reliquam insignem in secundo nocturno, & hæc erit quarta lectio: quinta, & sexta sumendæ sunt de communi, altera vero lectio disjuncta poni poterit pro nona lectione in tertio nocturno tamquam de Sancto simplici, de quo fieri debet etiam commemoratio ad laudes. Si vero non possunt commode disjungi, ponenda est in secundo nocturno pro quarta, & quinta lectione, & sexta legenda est de communi, & in hoc casu lectio nona pro simplici non est repetenda, fieri tamen debet de eo commemoratio. S. R. C. 16. Jan. 1677. in *Hispalen.* Vide n. 162.

DECRETA

S. Ritu Congregationis de iis, quæ in causis Beatificationum, & Canonizationum Sanctorum servanda sunt, approbantur.

Sanctissimus D. N. Innocentius XI. provide consilios, quod in tota Ecclesiæ gubernatione nihil majus, aut gravius sit, quàm homines declarari pro Sanctis, eosque uti tales colendos, & venerandos decernere, & pendens, quod licet fel. rec. Urbanus VIII. de consilio Congregationis Sanctissimæ Inquisitionis nonnulla super hoc ediderit decreta, subinde Sacra Rit. Congr. alias ordinationes fecerit secundum casuum contingentes à Summis Pontificibus approbatas, nihilominus experientia docuit, quod adhuc nonnulla desiderantur pro meliori causarum hujusmodi directione: ideo jussit materiam diligenter discuti primam in Congregationibus particularibus, deinde vero in generalibus, prout factum fuit, & sub diebus 9. Julii & 6. Augusti 1678. emanarunt resolutiones sequentes, si eidem SS. placuerit, publicandæ.

§. I.

Primo. Animadvertens eadem S. Cong. quod necessarium sit, ut processus auctoritate ordinariæ fabricandi conciantur cum maxima diligentia, censuit mandari Ordinariis locorum, ut ultra testes instructos à Postulatoribus, teneantur ipsi quoque inquirere, ac examinare alios testes bene instructos super vita & moribus Servi Dei: & si aliqui reperint in contrarium, quod ipsi videatur relevans, supersedeant in